



Javno preduzeće
ELEKTROPRIVREDA BOSNE I HERCEGOVINE
d.d. - Sarajevo

Bosna i Hercegovina
Federacija Bosne i Hercegovine
Parlament Federacije
Zastupnički/Predstavnički dom

n/r Sekretara
gdin. Ivan Miličević

Sarajevo, 25.5.2022
Broj: 0106-14608/1/22

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilijeno: 26-05-2022			
Org. jed.	Broj	Priloga	Vrijednost
05/1	-02-	166	122

Predmet: Odgovor na zastupničko pitanje u vezi arbitražnog postupka vezanom za projekat HE Vranduk

Poštovani,

Dana 12.05.2022.godine zaprimili smo Vaš akt broj: 05/01-02-166/22 od 11.05.2022.godine, kojim su nam dostavljena zastupnička pitanja koja se odnose na arbitražni postupak u projektu HE Vranduk, te u vezi sa istim Vas informišemo kako slijedi:

Nakon donošenja Arbitražne odluke koja je suprotno očekivanjima donesena u korist tužitelja (Strabag/Končar), provedene su aktivnosti sagledavanja i analize predmetne arbitražne odluke, te je utvrđeno da je istu moguće osporavati kroz postupak poništenja arbitražne odluke pred sudom u Briselu, kao i postupak osporavanja priznanja iste pred sudom u Sarajevu.

Najvažniji razlozi za osporavanje arbitražne odluke nalaze se u činjenici da je arbitražni tribunal prilikom donošenja odluke zanemario i prospustio primjeniti osnovne principe i odredbe mjerodavnog prava (BiH), te shodno tome donio odluku koja ne odgovara činjeničnom stanju u konkretnom predmetu.

Slijedom činjenice da je stav JP Elektroprivreda BiH d.d.-Sarajevo da postoji pravni osnov radi kojeg je moguće tražiti poništenje i nepriznavanje arbitražne odluke, u mjesecu februaru i martu 2022.godine, pokrenute su aktivnosti na izboru advokatskih timova koji bi zastupali JP Elektroprivreda BiH d.d.-Sarajevo u takvim postupcima, te su nakon provedenih postupaka nabavke donesene Odluke o izboru najpovoljnijih ponuđača, na način da je:

- za podnošenje i vođenje postupaka u Sarajevu izabrano advokatsko društvo Martinović & Partneri d.o.o., sa ukupnom vrijednosti ugovora u iznosu od 150.000,00 KM. Navedeni iznos je iznos koji bi bio eventualno isplaćen navedenom advokatskom društvu za slučaj provođenja ukupno 4 moguća sudska postupka (neizvjesno je da li će biti vođena sva četiri postupka), a trošak zastupanja po jednom sudskom postupku iznosi 37.500,00 KM. JP Elektroprivreda BiH d.d.-Sarajevo u konkretnom slučaju nije ugovorila primjenu advokatske tarife obzirom da bi kroz visinu spora i moguće radnje/podneske primjena advokatske tarife bila nepovoljnija opcija.
- za podnošenje i vođenje postupka u Belgiji izabrano advokatsko društvo Monard Law iz Brisela sa ukupnom vrijednosti u iznosu od 99.999,00 eura. Utrošak navedenih sredstava je regulisan kroz utrošene čovjek/sate, i da li će cjelokupan iznos biti utrošen zavisi od toka i složenosti



Vilsonovo šetalište 15, 71000 Sarajevo, BiH,

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003366506 - Intesa SanPaolo banka d.d. BiH Sarajevo
1610000005160023 - Raiffeisen Bank d.d. BiH Sarajevo
1990490176075902 - Sparkasse Bank d.d. BiH Sarajevo
102050000090111 - Union Banka d.d. Sarajevo
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Čatići
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buča 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Zenica, Safvet bega Bašagića 6

postupka. Navedeni postupak bi prema trenutnim informacijama trebao da bude okončan krajem 2023.godine, do kada će strane imati pravo da iznesu svoju argumentaciju kroz pisane podneske.

Slijedom planiranih aktivnosti na osporavanju arbitražne odluke, advokatski timovi su blagovremeno podnijeli slijedeće podneske:

- Advokatsko društvo Monard Law iz Brisela je u ostavljenom roku za poništenje arbitražne odluke (31.03.2022.godine) ponijelo podnesak kojim se zahtjeva poništenja arbitražne odluke,
- Advokatsko društvo Martinović & Partneri d.o.o. je dana 12.04.2022.godine, Kantonalnom sudu u Sarajevu podnijelo podnesak kojim se zahtjeva da sud ne prizna predmetnu arbitražnu odluku.

Kroz navedene aktivnosti pred predmetnim sudovima, onemogućeno je izvršenje arbitražne odluke.

Argumentacija JP Elektroprivreda BiH d.d.-Sarajevo u navedenim postupcima, se odnosi na slijedeće činjenice i osnove, koje su detaljno obrazloženi i dokumntovani kroz odgovarajuće podneske:

- okolnost da je u konkretnom slučaju arbitražno vijeće potpuno pogrešno primjenilo materijalno pravo ugovora, tj pravo Bosne i Hercegovine, te da su prekršena osnovna načela koje važeći zakoni u BiH propisuju kao što su načela „bona fides“ i „pacta sunt servanda“.
- okolnost da je neprimjenom navedenih osnovnih načela i važećih zakona, narušen pravni poredak BiH i Beglije, što je jedan od razloga za nepriznanje i poništenje arbitražne odluke.
- što arbitražna odluke ne sadrži dovoljno obrazloženje niti sagledavanje svih relevantnih dokaza koji potvrđuju pravno stajalište JP Elektroprivreda BiH d.d.-Sarajevo, te da na isto nije primjenjeno pravo Bosne i Hercegovine koje je kao takvo i definisano u ugovoru za izgradnju HE Vranduk.

Obzirom da su navedeni postupci u početnoj fazi, trenutno se može konstatovati da su isti u toku i da JP Elektroprivreda BiH d.d.-Sarajevo poduzela i poduzima sve neophodne aktivnosti na zaštiti svojih prava i interese.

U pogledu pitanja koje se odnosi na uklanjanje gradilišta istakli bi da je isto izvršeno u drugoj polovini 2020.godine i JP Elektroprivreda BiH d.d.-Sarajevo nije imala konkretan trošak po navedenom. Aktivnost je izvršena nakon što sukreditor EIB uprkos ranijeg odobrenja EBRD-a, nije dao saglasnost na prijedlog ugovornih strana o nastavku realizacije Ugovora s izmijenjenim ugovaračem, te je bilo jasno da se Ugovor neće nastaviti realizovati pod ugovorenim uslovima. Uklanjanje gradilišta je izvršio ugovarač, shodno odredbama Ugovora o obavezama na gradilištu u okolnostima raskida ugovora.

S poštovanjem,

Generalni direktor
Admir Andelija
Admir Andelija

Co:

- 06-1,
- 07,
- a/a



Vilsonovo šetalište 15, 71000 Sarajevo, BiH,

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003366506 - Intesa SanPaolo banka d.d. BiH Sarajevo
1610000005160023 - Raiffeisen Bank d.d. BiH Sarajevo
1990490176075902 - Sparkasse Bank d.d. BiH Sarajevo
1020500000090111 - Union Banka d.d. Sarajevo
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Čatići
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buća 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Zenica, Safvet bega Bašagića 6